

大悲懺法

妙法蓮華經觀世音菩薩普門品

偈頌

爾時無盡意菩薩以偈問曰

世尊妙相具 我今重問彼 佛子何因緣 名為觀世音

具足妙相尊 偈答無盡意 汝聽觀音行 善應諸方所

宏誓深如海 歷劫不思議 侍多千億佛 發大清淨願

我為汝略說 聞名及見身 心心不空過 能滅諸有苦

假使興害意 推落大火坑 念彼觀音力 火坑變成池

或漂流巨海 龍魚諸鬼難 念彼觀音力 波浪不能沒

或在須彌峰 為人所推墮 念彼觀音力 如日虛空住

或被惡人逐 墮落金剛山 念彼觀音力 不能損一毛

或值怨賊繞 各執刀加害 念彼觀音力 咸即起慈心

或遭王難苦 臨刑欲壽終 念彼觀音力 刀尋段段壞

或囚禁枷鎖 手足被杻械 念彼觀音力 釋然得解脫

呪詛諸毒藥 所欲害身者 念彼觀音力 還著於本人

或遇惡羅刹 毒龍諸鬼等 念彼觀音力 時悉不敢害

若惡獸圍繞 利牙爪可怖 念彼觀音力 疾走無邊方

蚺蛇及蝮蠍 氣毒煙火燃 念彼觀音力 尋聲自回去

雲雷鼓掣電 降雹澍大雨 念彼觀音力 應時得消散

眾生被困厄 無量苦逼身 觀音妙智力 能救世間苦

具足神通力 廣修智方便 十方諸國土 無刹不現身

種種諸惡趣 地獄鬼畜生 生老病死苦 以漸悉令滅

真觀清淨觀 廣大智慧觀 悲觀及慈觀 常願常瞻仰

無垢清淨光 慧日破諸闇 能伏災風火 普明照世間

悲體戒雷震 慈意妙大雲 澍甘露法雨 滅除煩惱燄

諍訟經官處 怖畏軍陣中 念彼觀音力 眾怨悉退散

妙音觀世音 梵音海潮音 勝彼世間音 是故須常念

念念勿生疑 觀世音淨聖 於苦惱死厄 能為作依怙

具一切功德 慈眼視眾生 福聚海無量 是故應頂禮

爐香乍爇 法界蒙熏 諸佛海會悉遙聞 隨

處結祥雲 誠意方殷 諸佛現全身

南無香雲蓋菩薩摩訶薩 三稱

南無大悲觀世音菩薩 三稱

一切恭謹

一心頂禮十方常住三寶

拜起 問訊

是諸眾等各各胡跪。嚴持香花如法供養。

願此香花雲。遍滿十方界。一一諸佛土。

無量香莊嚴。具足菩薩道。成就如來香。

維那白

大眾觀想默念

我此香花遍十方。以為微妙光明臺。

諸天音樂天寶香。諸天肴膳天寶衣。

不可思議妙法塵。一一塵出一切塵。

一一塵出一切法
旋轉無礙互莊嚴

遍至十方三寶前
十方法界三寶前

悉有我身修供養
一一皆悉遍法界

彼彼無雜無障礙
盡未來際作佛事

普熏法界諸眾生
蒙熏皆發菩提心

維那白

眾和

同入無生證佛智

起立

供養已一切恭謹

拜起 問訊 胡跪 合掌

南無過去正法明如來現前觀世音菩薩成妙功
德具大慈悲於一身心現千手眼照見法界護持
眾生令發廣大道心教持圓滿神呪永離惡道得
生佛前無間重愆纏身惡疾莫能救濟悉使消除
三昧辯才現生求願皆令果遂決定無疑能使速

獲三乘。早登佛地。威神之力。歎莫能窮。故我一心。

歸命頂禮。

一心頂禮。本師釋迦牟尼世尊。

能禮所禮性空寂
釋迦如來影現中

感應道交難思議
我身影現釋迦前

我此道場如帝珠
頭面接足歸命禮

以下諸佛菩薩隨位改稱作觀

一心頂禮。西方極樂世界。阿彌陀世尊。

一心頂禮。過去無量億劫。千光王靜住世尊。

一心頂禮過去九十九億殞伽沙諸佛世尊。

一心頂禮過去無量劫正法明世尊。

一心頂禮十方一切諸佛世尊。

一心頂禮賢劫千佛三世一切諸佛世尊。

一心頂禮廣大圓滿無礙大悲心大陀羅尼神妙

章句

三稱

法性如空不可見
我今三業如法請

常住法寶難思議
惟願顯現受供養

一心頂禮。觀音所說諸陀羅尼。及十方三世一切

尊法。

一心頂禮。千手千眼。大慈大悲。觀世音自在菩薩

摩訶薩。

三稱

能禮所禮性空寂
大悲菩薩影現中

感應道交難思議
我身影現大悲前

我此道場如帝珠
為求滅障接足禮

一心頂禮。大勢至菩薩摩訶薩。

一心頂禮。總持王菩薩摩訶薩。

一心頂禮。日光菩薩。月光菩薩。摩訶薩。

一心頂禮。寶王菩薩。藥王菩薩。藥上菩薩。摩訶薩。

一心頂禮。華嚴菩薩。大莊嚴菩薩。寶藏菩薩。摩訶

薩。

一心頂禮。德藏菩薩。金剛藏菩薩。虛空藏菩薩。摩

訶薩。

一心頂禮。彌勒菩薩。普賢菩薩。文殊師利菩薩。摩訶薩。

一心頂禮。十方三世一切菩薩摩訶薩。

一心頂禮。摩訶迦葉。無量無數大聲聞僧。

一心頂禮。闡天台教觀。四明尊者。法智大師。

一心代為善吒梵摩。瞿婆伽天子。護世四王。天龍。

八部童目天女。虛空神。江海神。泉源神。河沼神。

藥草樹林神。舍宅神。水神。火神。風神。土神。山神。

地神。宮殿神等。及守護持呪。一切天龍鬼神。各

及眷屬頂禮三寶。

拜起 問訊 胡跪 合掌

維那白。

經云。若有比丘比丘尼。優婆塞。優婆夷。童男童女。

欲誦持者。於諸眾生起慈悲心。先當從我發如

是願◎

南無大悲觀世音◎

願我速知一切法

南無大悲觀世音

願我早得智慧眼◎

南無大悲觀世音

願我速度一切眾

南無大悲觀世音

願我早得善方便

南無大悲觀世音

願我速乘般若船

南無大悲觀世音 願我早得越苦海

南無大悲觀世音 願我速得戒定道◎

南無大悲觀世音 願我早登涅槃山

南無大悲觀世音 願我速會無為舍◎

南無大悲觀世音 願我早同法性身◎

我若向刀山 刀山自摧折 我若向火湯

火湯自枯竭 我若向地獄 地獄自消滅

我若向餓鬼 餓鬼自飽滿 我若向修羅

惡心自調伏 我若向畜生 自得大智慧

南無觀世音菩薩 十稱

南無阿彌陀佛 十稱

維那白

觀世音菩薩白佛言世尊若諸眾生誦持大悲神

呪墮三惡道者。我誓不成正覺。誦持大悲神呪。
若不生諸佛國者。我誓不成正覺。誦持大悲神
呪。若不得無量三昧辯才者。我誓不成正覺。誦
持大悲神呪。於現在生中一切所求。若不果遂
者。不得為大悲心陀羅尼也。乃至說是語已。於
眾會前。合掌正住。於諸眾生起大悲心。開顏含

笑。即說如是廣大圓滿。無礙大悲心。大陀羅尼。
神妙章句陀羅尼曰。

南無喝囉怛那哆囉夜耶。南無阿唎耶。婆盧羯帝。
爍鉢囉耶。菩提薩埵婆耶。摩訶薩埵婆耶。摩訶迦
盧尼迦耶。唵。薩皤囉罰曳。數怛那。怛寫。南無悉吉
慄埵伊蒙阿唎耶。婆盧吉帝室佛囉楞馱婆。南無

那囉謹墀。醯利摩訶皤哆沙咩。薩婆阿他豆輸朋。

阿逝孕。薩婆薩哆那摩婆薩哆那摩婆伽。摩訶特

豆怛姪他。唵阿婆盧醯盧迦帝。迦羅帝。夷醯唎。摩

訶菩提薩埵。薩婆薩婆。摩囉摩囉。摩醯摩醯唎馱

孕。俱盧俱盧羯蒙。度盧度盧。罰闍耶帝。摩訶罰闍

耶帝。陀囉陀囉。地唎尼。室佛囉耶。遮囉遮囉。摩摩

罰摩囉·穆帝隸·伊醯伊醯·室那室那·阿囉·唵佛囉

舍利·罰沙·罰唵·佛囉舍耶·呼嚧呼嚧·摩囉呼嚧呼

嚧醯利·娑囉娑囉·悉唎悉唎·蘇嚧蘇嚧·菩提夜菩

提夜·菩馱夜·菩馱夜·彌帝唎夜·那囉·謹墀·地利瑟

尼那·波夜·摩那·娑婆訶·悉陀夜·娑婆訶·摩訶悉陀

夜·娑婆訶·悉陀·喻藝·室皤囉耶·娑婆訶·那囉·謹墀·

娑婆訶。摩囉那囉。娑婆訶。悉囉僧阿穆佉耶。娑婆
訶。娑婆摩訶阿悉陀夜。娑婆訶。者吉囉阿悉陀夜。
娑婆訶。波陀摩羯悉陀夜。娑婆訶。那囉謹墀皤伽
囉耶。娑婆訶。摩婆利勝羯囉夜。娑婆訶。南無喝囉
怛那哆囉夜耶。南無阿唎耶。婆嚧吉帝。爍皤囉夜。
娑婆訶。唵。悉殿都。漫多囉。跋陀耶。娑婆訶。

觀世音菩薩說此呪已。大地六變震動。天雨寶花。
繽紛而下。十方諸佛。悉皆歡喜。天魔外道。恐怖
毛豎。一切眾會。皆獲果證。或得須陀洹果。或得
斯陀含果。或得阿那含果。或得阿羅漢果。或得
一地。二地。三四五地。乃至十地者。無量眾生發
菩提心。

我及眾生無始常為三業六根重罪所障不見
諸佛不知出要但順生死不知妙理我今雖知

猶與眾生同為一切重罪所障今對諸佛世尊

及觀世音菩薩普為眾生歸命懺悔惟願加護

。維那白

眾和

令障消滅。

普為四恩三有法界眾生悉願斷除三障歸命懺

悔◎

維那白

大眾默念

我與眾生無始來今。由愛見故。內計我人。外加

惡友。不隨喜他。一毫之善。唯遍三業。廣造眾罪。

事雖不廣。惡心遍佈。晝夜相續。無有間斷。覆諱

過失。不欲人知。不畏惡道。無慚無愧。撥無因果。

故於今日。深信因果。生重慚愧。生大怖畏。發露

懺悔。斷相續心。發菩提心。斷惡修善。勤策三業。
翻昔重過。隨喜凡聖一毫之善。念十方佛有大
福慧。能救拔我及諸眾生。從二死海。置三德岸。
從無始來。不知諸法本性空寂。廣造眾惡。今知
空寂。為求菩提。為眾生故。廣修眾善。遍斷眾惡。

維那白

眾和

惟願觀音慈悲攝受。

至心懺悔。弟子某某等。與法界一切眾生現前一

心。本具千法。皆有神力。及以智明。上等佛心。下

同含識。無始闇動。障此靜明。觸事昏迷。舉心縛

著。平等法中。起自他想。愛見為本。身口為緣。於

諸有中。無罪不造。十惡五逆。謗法謗人。破戒破

齋。毀塔壞寺。偷僧祇物。污淨梵行。侵損常住。飲

食財物。千佛出世。不通懺悔。如是等罪。無量無
邊。捨茲形命。合墮三塗。備嬰萬苦。復於現世眾
惱交煎。或惡疾縈纏。他緣逼迫。障於道法。不得
熏修。今遇

大悲圓滿神呪。速能滅除。如是罪障。故於今日。至

心誦持歸向

觀世音菩薩。及十方大師。發菩提心。修真言行。與
諸眾生。發露眾罪。求乞懺悔。畢竟消除。惟願

大悲觀世音菩薩。摩訶薩。千手護持。千眼照見。令

我等內外障緣寂滅。自他行願圓成。開本見知。

制諸魔外。三業精進。修淨土因。至捨此身。更無

他趣。決定得生。

阿彌陀佛極樂世界親承供養。

大悲觀音具諸總持。廣度群品。皆出苦輪。同到智

地。

起立

懺悔發願已歸命禮三寶。

拜起
問訊

南無十方佛

南無十方法

南無十方僧

南無本師釋迦牟尼佛

南無阿彌陀佛

南無千光王靜住佛

南無廣大圓滿無礙大悲心大陀羅尼

南無千手千眼觀世音菩薩

南無大勢至菩薩

南無總持王菩薩

自歸於佛◎ 當願眾生 紹隆佛種 發無上意◎

自歸於法◎ 當願眾生 深入經藏 智慧如海◎

自歸於僧◎ 當願眾生 統理大眾 一切無礙◎

南無大悲觀世音菩薩◎

三稱

禮懺功德殊勝行 無邊勝福皆回向

普願沉溺諸眾生 速往無量光佛刹

十方三世一切佛 一切菩薩摩訶薩

摩訶般若波羅蜜

受持及讀誦 讚歎並宣說 福慧俱增長 災障悉消除

現眷咸安康 先親得超昇 見聞與隨喜 皆共成佛道

